

 <b>NAZARBAYEV UNIVERSITY</b>	<b>«Назарбаев Университеті» дербес білім беру ұйымы</b>		
	<b>Бекіткен орган:</b>		Провост
<b>«Назарбаев Университеті» дербес білім беру ұйымының бакалавриат бағдарламасына оқуға қабылдау қағидалары</b>			
<b>Бекітілген күні:</b>	29.10.2021	<b>Күшіне енгізілген күні</b>	29.10.2021
<b>Шешімнің/хаттама ның №:</b>	137-н/қ		
<b>ІНҚ жіктеуші:</b>	2.1.1. Foundation and bachelor's degree		
<b>Бастамашы:</b>	А. Жазыкпаева Студенттерді оқуға қабылдау департаментінің директоры		
<b>Өзара байланысты құжаттар</b>	Өзара байланысты құжаттар жоқ		

## 1. Жалпы ережелер

1. Осы «Назарбаев Университеті» дербес білім беру ұйымының бакалавриат бағдарламасына оқуға қабылдау қағидалары (бұдан әрі – Қағидалар):

1) «Назарбаев Университеті», «Назарбаев Зияткерлік мектептері» және «Назарбаев Қоры» мәртебесі туралы» Қазақстан Республикасының Заңына;

2) Жоғары қамқоршылық кеңестің 2013 жылғы 18 сәуірдегі шешімімен бекітілген «Назарбаев Университеті» дербес білім беру ұйымының Жарғысына сәйкес әзірленген.

Осы Қағидалар ауысатын студенттерді қоса алғанда, талапкерлерді қабылдау тәртібіне жалпы талаптарды белгілейді, сондай-ақ «Назарбаев Университеті» дербес білім беру ұйымының бакалавриат бағдарламасына қабылдау үшін талапкерлер конкурсын ұйымдастыру мен жүзеге асыру тәртібін айқындайды.

2. Осы Қағидаларда пайдаланылатын негізгі ұғымдар мен қысқартулар:

1) АСТ (American College Testing – Американдық тестілеу) – АҚШ-тың университеттері оқуға түсу емтиханы ретінде танитын, орта мектеп оқушыларының үлгерімін бағалайтын стандартталған тест. Тестте ұзақтығы 30 минут жазу дағдыларын бағалайтын қосымша секция қарастырылған (жазу дағдыларының нәтижелері бар АСТ);

2) **Қабылдау мерзімі** – конкурсқа қатысуға онлайн өтінімді беруді,



құжаттарды қарауды, бағалау процестерін және оқуға қабылдауды қамтитын Университетке қабылдау мерзімдері;

3) **Қабылдау комиссиясы** – бакалавриат бағдарламалары бойынша қабылдау іс-шараларын іске асыру мақсатында құрылған Университет жанындағы консультативтік-кеңесші орган;

4) **Студенттерді оқуға қабылдау департаменті** – дайындық бағдарламалары, бакалавриат, магистратура және докторантура бағдарламалары бойынша студенттерді оқуға қабылдауды қамтамасыз етуге жауапты Университеттің құрылымдық бөлімшесі;

5) **A-level (Advanced Level General Certificate of Education – Орта білім туралы сертификат)** – Англия, Солтүстік Ирландия, Уэльс, Шотландия елдеріндегі оқу орындары ұсынатын және Еуропада, АҚШ-та, сондай-ақ әлемнің басқа да көптеген бөліктерінде кеңінен танылатын, стандартты оқуды аяқтау біліктілігі. A-level екі жыл ішінде оқытылады және талапкерлердің Англия, Уэльс және Солтүстік Ирландия университеттерінің академиялық талаптарына сәйкестігін бағалауға арналған стандартты оқуға түсу біліктілігі болып табылады;

6) **талапкер** – осы Қағидаларда көзделген талаптар мен шарттарға сай келетін және конкурсқа қатысушы Қазақстан Республикасының азаматы, шетел азаматы немесе азаматтығы жоқ тұлға;

7) **сауалнама нысаны** – жеке кабинетте орналастырылған бакалавриат бағдарламасына түсуге арналған өтінім-сауалнама;

8) **колледж** – Қазақстанда жалпы орта және техникалық және кәсіптік білім беретін немесе орта білімнен кейін білім беру бағдарламаларын іске асыратын оқу орны;

9) **ECTS (European Credit Transfer and Accumulation System – Еуропалық кредиттерді ауыстыру және жинақтау жүйесі)** – Еуропалық Одақтың және осы жүйені пайдаланатын басқа да еуропалық елдердің аумағындағы жоғары оқу орындарында студенттердің академиялық үлгерімін салыстырудың стандартталған жүйесі;

10) **оқуға қабылдауға келісім нысаны** – талапкерлер оқуға түскені туралы хабарламаны алғаннан кейін толтыратын және қол қоятын, оқуға шақыруды қабылдау немесе одан бас тарту туралы нысан;

11) **кепілдік жарна** – бакалавриат бағдарламасы бойынша талапкерге білім алуға арналған орынға кепілдік беретін, мөлшері Университеттің ішкі құжаттарымен белгіленетін міндетті төлем;

12) **IB Diploma Programme (IB DP) (International Baccalaureate Diploma Programme – Халықаралық Бакалавриаттың дипломдық бағдарламасы)** – студенттерге жоғары оқу орындарының бакалавриат бағдарламаларына түсуге мүмкіндік беретін жеделдетілген екі жылдық халықаралық білім беру бағдарламасы;

13) **IELTS (International English Language Testing System – Ағылшын тілі бойынша халықаралық тестілеу жүйесі)** – Британдық Кеңес, Кэмбридж Университеті ESOL және IDP Education Pty Ltd әкімшілік ететін, ағылшын тілін меңгеру деңгейін анықтауға арналған стандартталған тест;

14) **NIS Grade 12 Certificate** – 12-сыныпты бітіргеннен кейін сыртқы жиынтық бағалау емтихандарын тапсырған оқушыларға Cambridge Assessment International Education-мен бірлескен бағдарламаны аяқтағаны үшін берілетін «Назарбаев Зияткерлік мектептері» дербес білім беру ұйымының сертификаты;

15) **NUET (Nazarbayev University Entrance Test)** – Кэмбридждің оқуға түсу тестілерін бағалау жөніндегі бөлімшесі (The Cambridge Assessment Admissions Testing) әзірлеген, Математика және Сыни тұрғыдан ойлау және мәселелерді шешу дағдылары бойынша стандартталған қабылдау емтиханы;

16) **Назарбаев Университетінің Университет алдындағы дайындық бағдарламасы (НУУАДБ)** – Университеттің бакалавриат бағдарламасына түсуге арналған Университеттің Дайындық мектебінің біржылдық жеделдетілген университет алдындағы дайындық курсы;

17) **НУУАДБ түлектері** – Университеттің бакалавриат бағдарламасының бірінші жылына оқуға қабылдау үшін қойылатын талаптарға сәйкес келетін НУУАДБ бұрынғы студенттері;

18) **жеке кабинет** – тіркеуді жүргізгеннен кейін талапкерге Университет сайтында жеке кеңістік ұсынатын дербес онлайн сервисі;

19) **QS World University ranking** – Quacquarelli Symonds-та (QS) жарияланатын және жалпы рейтингті, сондай-ақ жекелеген пәндер бойынша рейтингті қарайтын университеттердің жыл сайынғы әлемдік рейтингі;

20) **SAT (Scholastic Aptitude Test** – Академиялық қабілеттерді айқындау емтиханы) – АҚШ-тың жоғары оқу орындарына қабылдауға арналған стандартталған тест;

21) **Мектеп** – бакалавриаттың академиялық бағдарламаларын іске асыратын Университеттің мектебі;

22) **Superscoring** – ең жоғары жалпы балл алу үшін екі немесе одан да көп сертификаттардың барлық емтихан секциялары бойынша ең жоғары балдарды пайдалану;

23) **Тест әкімшісі** – стандартталған тесттерді әзірлеуге және әкімшілік етуге және тестілеуге, тексеру мен жеткізуге байланысты рәсімдерге жетекшілік етуге құқығы бар ұйым;

24) **Times Higher Education World University rankings** – Британияның Times Higher Education журналында жарияланатын және жалпы рейтинг пен пәндер бойынша рейтингті қарайтын университеттердің жыл сайынғы әлемдік рейтингі;

25) **TOEFL (Test of English as a Foreign Language** – Шет тілі ретіндегі ағылшын тілі бойынша халықаралық тест) – TOEFL iBT (Internet-based Test) және TOEFL PDT (Paper-delivered Test) нысандар болып табылатын Educational Testing Service (ETS) (Принстон, Нью-Джерси, АҚШ) әзірлеген ағылшын тілін меңгеру деңгейін анықтауға арналған стандартталған тест. TOEFL PDT ресми IELTS және TOEFL iBT өткізілмейтін елдерден келген шетелдік талапкерлерден ғана қабылданады. TOEFL iBT Home Edition бакалавриат бағдарламасына оқуға түсу үшін қабылданбайды;

26) **ауысатын студент** – Университеттің бакалавриат бағдарламасына түскісі келетін, орта білім алған және Қазақстанда немесе шетелде жоғары оқу

орнында кемінде бір жыл оқуды аяқтаған студент;

27) **UK Foundation Programme** (Ұлыбританияның Университет алдындағы дайындық бағдарламасы) – студенттерге жоғары оқу орындарына/университеттерге бакалавриат бағдарламаларына түсуге мүмкіндік беретін университет алдындағы дайындықтың бір-екі жылдық бағдарламасы;

28) **бакалавриат бағдарламасы** – бакалавр академиялық дәрежесін беретін дипломмен расталатын жоғары білім беру бағдарламасы;

29) **Университеттің сайты** – Университеттің интернет ресурсы, [www.nu.edu.kz](http://www.nu.edu.kz);

30) **Университет** – «Назарбаев Университеті» дербес білім беру ұйымы.

## 2. Қабылдау шарттары мен тәртібі

3. Бакалавриат бағдарламасына оқуға қабылдау конкурстық негізде жүзеге асырылады.

4. Конкурсқа іріктеу және құжаттарды қабылдау жүргізілетін қабылдау мерзімдерін жыл сайын Университет Мектептерінің декандары Студенттерді оқуға қабылдау департаментінің келісімі бойынша бекітеді және Университеттің сайтына алдын ала орналастырады.

5. Конкурсқа келесі санаттың біреуіне жататын талапкерлер қатысуы мүмкін:

1) SAT/ACT талапкерлері;

2) A-level/NIS Grade 12 Certificate бағдарламасының түлектері немесе соңғы оқу жылының оқушылары. Оқуға қабылдану үшін осы сертификат бойынша тек қана соңғы нәтижелер қарастырылады;

3) IB Diploma Programme бағдарламасының түлектері немесе соңғы оқу жылының оқушылары. Оқуға қабылдану үшін тек қана соңғы нәтижелер қарастырылады;

4) ауысатын студенттер, яғни жоғары оқу орындарында бакалавриат бағдарламасы бойынша білім алып жүрген студенттер. Осы талапкерлерді қабылдау үшін оқу жылының сәйкестігін Қабылдау комиссиясы анықтайды;

5) осы Қағидаларға 2-қосымшаға сәйкес халықаралық және/немесе республикалық пәндік олимпиадалардың жеңімпаздары;

6) NUET талапкерлері. NUET бойынша балл нәтижелерін ұсынған талапкерлер. NUET бойынша қағидалар мен рәсімдер осы Қағидалардың 6-тарауында жазылған;

7) НУУАДБ түлектері. Осы санаттың талапкерлері осы Қағидалардың талаптарын толығымен орындамайды. НУУАДБ түлектерін қарау және қабылдау бойынша барлық рәсімдер осы Қағидалардың 7-тарауында жазылған.

6. НУУАДБ түлектерін қоспағанда, Қағидалардың 5-тармағында көрсетілген барлық талапкерлер мына жағдайларда:

1) конкурсқа қатысуға онлайн өтінім беру сәтінде Times Higher Education World University немесе QS World University rankings университеттерінің әлемдік академиялық рейтингтерінің ТОП-200 үздік ЖОО қатарына кіретін ағылшын

тілінде оқытатын шетелдік жоғары оқу орындарында бакалавриат бағдарламасы бойынша кемінде бір жыл оқуын табысты аяқтаған талапкерлер. Осы талапкерлер ACT/SAT Reasoning Test және SAT Subject test, сондай-ақ IELTS/TOEFL нәтижелерін ұсынудан босатылады;

2) соңғы үш жылдың ішінде ағылшын тілі мемлекеттік тіл ретінде болып саналатын елде немесе оқыту тек ағылшын тілінде жүргізілетін оқу орындарында білім алған талапкерлер IELTS немесе TOEFL нәтижелерін ұсынудан босатылады. Осындай талапкерлерге қойылатын басқа талаптар осы Қағидаларға 1, 3-қосымшаларға сәйкес орындалуы тиіс;

3) осы Қағидалардың 9-тармағының екінші абзацында көзделген жағдайда, осы Қағидаларға 1, 3-қосымшаларда көрсетілген қабылдау талаптарына сәйкес болуы тиіс.

7. Осы Қағидалардың 5-тармағының 1), 2), 3), 5), 6) және 7) тармақшаларында көрсетілген талапкерлер Университеттің бакалавриат бағдарламасының бірінші оқу жылына қабылдауға қаралады. Сонымен қатар, талапкерлер тек қана бір академиялық бағдарламаға және білім деңгейіне қабылдануы тиіс.

8. Осы Қағидалардың 5-тармағының 4) тармақшасында көрсетілген талапкерлердің немесе бакалавриат бағдарламасында оқитын немесе оқуды бітірген білім алушылардың кредиттерін аударуды Қабылдау комиссиясы анықтайды. Ауысу кредиттері ретінде ең көп дегенде 72 (жетпіс екі) ECTS кредиті қабылдануы мүмкін. Ауысу пәндеріне кредиттер тағайындалады, бірақ бағалар емес. Студенттің басқа университеттерде алған бағалары Университеттің орташа балын (GPA) және жалпы орташа балын (CGPA) есептеу кезінде ескерілмейді. Осы ереже Университеттің бакалавриат бағдарламасында оқыған бұрынғы студенттеріне қолданылмайды.

Кем дегенде бір семестрді аяқтаған және тәртіптік емес себептермен Университеттен өз еркімен шығарылған Университеттің бакалавриат бағдарламасының бұрынғы студенттері үшін екі ерекше шарт қолданылады:

1) Университеттен шығарылғаннан кейін 5 жыл ішінде бұрынғы студенттер Регистратор офисі белгілеген қайта қабылдау рәсімінен өтуі тиіс. Осы бұрынғы студенттер үшін Университеттің барлық ECTS кредиттері мен бағалары оларды қайта қабылдау рәсімінің бөлігі ретінде қабылданады;

2) Университеттен шығарылғаннан кейін 5 жыл өткен соң, бұрынғы студенттер жаңа студент ретінде қайта өтініш беруі керек.

9. Университет НУУАДБ түлектерінің санатын қоспағанда, осы Қағидалардың 5-тармағында көрсетілген талапкерлерден бакалавриат бағдарламасына конкурсқа қатысу үшін қажетті құжаттар пакетін осы Қағидаларға 1, 2 және 3-қосымшаларда көрсетілген талапкерлерге арналған құжаттар тізбесіне сәйкес қарайды.

Еңсерілмейтін күш мән-жайларына немесе осындай мүмкіндіктің болмауын растайтын басқа да жағдайларға байланысты, осы Қағидаларға 1-қосымшада көрсетілген және конкурстық іріктеу үшін талап етілетін қандай да бір емтихандарды өткізу мүмкін болмаған жағдайда, Қабылдау комиссиясы тиісті емтихандардың нәтижелерін ұсынбай-ақ, талапкерлердің құжаттарын

қарауға құқылы. Мұндай жағдайларда Қабылдау комиссиясы осы Қағидаларға 1-қосымшада көрсетілген негізгі емтихандарды басқа баламалы емтихандармен алмастыруға құқылы. Бұл ретте Қабылдау комиссиясы Қабылдау комиссиясы отырысының хаттамасында көрсете отырып, іріктеудің тиімді әдістемесін және бағалау критерийлерін әзірлейді және қабылдайды.

### **3. Конкурса қатысуға өтінімдерді қабылдау тәртібі**

10. Бакалавриат бағдарламасына түсу бойынша конкурса қатысу үшін НУУАДБ түлектері санатынан басқа талапкерлер порталда өтінім беріп ([www.admissions.nu.edu.kz](http://www.admissions.nu.edu.kz)), жеке кабинетте:

1) дербес деректерді өңдеуге келісімді қабылдап, Университеттің ішкі құжаттарында белгіленген тіркелу жарнасын алдын ала төлеп, жеке кабинетте орналастырылған аппликациялық нысанды толтыру керек. Бұл ретте тіркелу жарнасы қайтарылуға жатпайды;

2) осы Қағидалардың 3-қосымшасында көрсетілген, өтініш беру сәтінде қолданылатын онлайн өтінім беру кезеңінде талапкерлерге қажетті құжаттардың сканерленген көшірмелерін жеке кабинетте орналастыру керек. Егер құжаттар қазақ, орыс немесе ағылшын тілдерінде ресімделмесе, ағылшын тіліне нотариалды аудармасы да қоса берілуі тиіс.

3) қолданыстағы IELTS немесе TOEFL сертификат нәтижелері жеке кабинетте тест әкімшісі жүйесі арқылы тексерілуі қажет.

Оқуға қабылданған студенттердің осы Қағидаларда талап етілетін және жеке кабинетте орналастырылған құжаттарының көшірмелері өтінім беру кезеңінде Университеттің Регистратор офисіне жіберіледі және студенттерге қайтарылуы тиіс.

11. Қағидалардың 10-тармағында көрсетілген көрінеу жалған және/немесе толық емес деректерді және/немесе құжаттарды ұсыну конкурстан шығаруға немесе оқуға қабылданған жағдайда Университеттен шығаруға әкеп соғады.

12. Конкурс нәтижелері бойынша апелляцияны қарау рәсімі көзделмеген.

13. НУУАДБ түлектері санатынан басқа, осы Қағидалардың 5-тармағында көрсетілген талапкердің санатын өзгертуге, егер талапкер таңдалған санаттың қабылдау талаптарына сәйкес келмесе, бірақ бұл ретте осы Қағидалардың 5-тармағында көрсетілген басқа санаттың қабылдау талаптарына сәйкес келсе, Қабылдау комиссияның қарауы кезінде Қабылдау комиссиясының сұрауы бойынша ғана жол беріледі.

### **4. Мектептердің Қабылдау комиссиялары**

14. Мектептердің Қабылдау комиссияларының негізгі міндеттері:

1) Қабылдау комиссиясы әзірлеген іріктеу әдістемесіне сәйкес талапкерлердің рейтингісін бекіту. Бұл ретте әдістемені Қабылдау комиссиясы талапкерлерге қойылатын осы Қағидаларда көрсетілген қабылдау талаптарына және Университет алдындағы дайындық бағдарламасының тыңдаушыларын Университет мектептерінің бакалавриат бағдарламаларына ауыстыру

қағидаларына сәйкес әзірлеуі тиіс;

2) талапкерлердің құжаттарын қарау;

3) Университетке оқуға қабылдауға ұсыным беру;

4) халықаралық және/немесе республикалық олимпиадалардың жеңімпаздарымен, ағылшын тілінде сөйлеу дағдыларын бағалау үшін TOEFL PDT ұсынған талапкерлермен, сондай-ақ Қабылдау комиссиясының шешімі бойынша таңдамалы түрде Медицина мектебінің және Тау-кен ісі және Жер туралы ғылымдар мектебінің талапкерлерімен сұхбаттасу жүргізу;

5) осы Қағидаларда көзделген негізгі қызмет үшін қажетті өзге де функцияларды жүзеге асыру болып табылады.

15. Әрбір Мектептің Қабылдау комиссиясының құрамын тиісті Мектептің деканы немесе оны алмастыратын тұлға қалыптастырады және ол Мектеп деканынан немесе оны алмастыратын тұлғадан, Мектеп өкілдерінен, сондай-ақ қажет болған жағдайда, Университет жұмыскерлерінің қатарынан құралады. Қабылдау комиссиясының хатшысы Мектеп жұмыскерлерінің қатарынан тағайындалады. Хатшының дауыс беру құқығы жоқ.

16. Қабылдау комиссиясы мүшелерінің саны тақ саннан, бірақ кемінде 5 (бес) адамнан құралуы тиіс.

17. Әрбір Мектептің Қабылдау комиссиясының құрамы мен Қабылдау комиссиясының хатшысы Университет Провостының немесе оны алмастыратын тұлғаның шешімімен бекітіледі.

18. Университеттің Студенттерді оқуға қабылдау департаменті Қабылдау комиссиясының жұмысын осы Қағидаларға және Университеттің ішкі құжаттарына сәйкес ұйымдастырады және жоспарлайды. Қабылдау комиссиясының төрағасы болмаған кезеңде оның өкілеттіктерін төрағаның орынбасары немесе Қабылдау комиссиясы мүшелерінің қатарынан Провост тағайындаған басқа тұлға атқарады.

19. Мектептердің Қабылдау комиссиясының отырыстары қажеттілігіне қарай төрағаның немесе төраға орынбасарының басшылығымен өткізіледі. Қабылдау комиссиясының кворумы, егер отырысқа Қабылдау комиссиясының барлық құрамының қарапайым көпшілігі қатысса, өткізілген болып саналады.

20. Қабылдау комиссиясының шешімдері отырысқа қатысқан Қабылдау комиссиясы мүшелерінің қарапайым көпшілік дауыстарымен қабылданады және хаттамамен ресімделеді. Дауыстар тең болған жағдайда Қабылдау комиссиясы төрағасының дауысы шешуші болып табылады.

21. Қабылдау комиссиясының мүшелері бейне және аудио конференциялар мен басқа да интерактивті байланыс құралдары арқылы отырыстарды өткізуге, дауыс беруге және шешімдер қабылдауға құқылы. Осы құралдардың көмегімен қатысу кворумды есептегенде және шешімдер қабылдау кезінде ескеріледі. Қабылдау комиссиясының дауыс беруші мүшесі отырысқа қатысқанда қолданған интерактивті байланыс түрі Қабылдау комиссиясы отырысының хаттамасында көрсетілуі тиіс.

22. Қабылдау комиссиясының шешімдері түпкілікті болып табылады және оны Қабылдау комиссиясының хатшысы отырыстың (отырыстардың) хаттамаларында тіркейді. Отырыстың (отырыстардың) хаттамалары

«Назарбаев Университеті» дербес білім беру ұйымында негізгі қызмет және білім алушылардың жеке құрамы бойынша жекелеген ішкі өкімдік құжаттарды дайындау қағидаларына сәйкес ресімделуі тиіс. Отырыстың (отырыстардың) хаттамалары жаңартылуы және барлық ұсынылған талапкерлердің, күту парағына енген талапкерлердің, оқуға шақыруды қабылдаған талапкерлердің, сондай-ақ шақырудан бас тартқан, қабылданбаған талапкерлердің тізімдерін қамтиды. Қабылдау комиссиясы отырыстарының жұмыс тілі ағылшын тілі болып табылады. Ағылшын және қазақ тілдеріндегі хаттамаларға Қабылдау комиссиясының Төрағасы мен хатшысы немесе тағайындалған тұлға(лар) қол қояды.

23. Қабылдау комиссиясы отырыстарының хаттамалары құпия болып табылады және өздерінің лауазымдық міндеттерін орындау шеңберінде Университет қызметкерлерін қоспағанда, үшінші тұлғаларға жария етілмеуі тиіс.

24. Қабылдау комиссиясы отырыстарының барлық хаттамалары тиісті түрде тігіледі, нөмірленеді, сканерленеді және Қабылдау комиссиясының хатшысымен түптеледі. Хаттамалар Университеттің Архивіне тапсырылғанға дейін олардың сақталуына жауапты болатын Студенттерді оқуға қабылдау департаментінде тіркеледі және сақталады.

## **5. Конкурса қатысатын өтінімдерді қарау тәртібі**

25. Талапкердің құжаттары осы Қағидаларға 1, 2 және 3-қосымшаларда көрсетілген қабылдау талаптарына сәйкес болған жағдайда талапкер конкурса жіберіледі.

Студенттерді оқуға қабылдау департаменті оқуға қабылданған талапкерлердің құжаттарын қайтармайды. Қабылдау комиссиясы және Студенттерді оқуға қабылдау департаменті қажет болған жағдайда қосымша құжаттарды сұратуға құқылы.

26. Бакалавриат бағдарламасы бойынша оқуға талапкерлерді іріктеу процесі мынадай кезеңдерден тұрады:

1) Студенттерді оқуға қабылдау департаменті осы Қағидаларға НУУАДБ түлектерінен басқа, 1, 2 және 3-қосымшаларда көрсетілген тізбеге сәйкес талапкерлердің құжаттарын қарайды және оларды бакалавриат бағдарламасына түсудің ең төменгі қабылдау талаптарына сәйкестігін тексереді. Студенттерді оқуға қабылдау департаменті стандартталған тест нәтижелерін тест әкімшілерінің дерекқорына ресми кіру арқылы тексереді.

Студенттерді оқуға қабылдау департаменті талапкерлерді іріктеудің келесі кезеңіне қатысуға жіберместен бұрын таңдалған санатқа сәйкес ең төменгі түсу талаптарына сәйкес келетін талапкерлердің талап етілетін құжаттар пакетін электронды түрде Қабылдау комиссиясына ұсынуды қамтамасыз етеді. Студенттерді оқуға қабылдау департаменті Қабылдау комиссиясына Мектепті бірінші таңдау ретінде көрсеткен талапкерлердің құжаттарын ұсынады. Мектепті екінші таңдау ретінде көрсеткен талапкерлер Қабылдау комиссиясының сұрауы бойынша ғана қаралады;



2) халықаралық және/немесе республикалық олимпиадалардың жеңімпаздарын, сондай-ақ TOEFL PDT ұсынған талапкерлерді сұхбаттасуға шақыру. Қабылдау комиссиясының шешімі бойынша Медицина мектебінің және Тау-кен ісі және Жер туралы ғылымдар мектебінің кейбір талапкерлері Қабылдау комиссиясының мүшелерімен сұхбаттасуға шақырылуы мүмкін;

3) Қабылдау комиссиясының мүшелері талапкерлердің құжаттарын зерделейді және бағалайды, кейіннен оқуға қабылдауға ұсыным беру үшін бекітілген әдістемеге сәйкес талапкерлердің рейтингін айқындайды. Мектептердің Қабылдау комиссиялары талапкерлердің қабылдау талаптарына сәйкестігін, стандартталған тестілердің нәтижелерін, осы Қағидаларға 3-қосымшада көрсетілген құжаттардың мазмұнын, сондай-ақ сұхбаттан өту қорытындылары бойынша алынған бағалау нәтижелерін (егер қолданылса) негізге ала отырып, осы Қағидалардың 5-тармағында көрсетілген талапкерлерді оқуға қабылдауға ұсынады.

Талапкерлердің академиялық нәтижелері тең болған жағдайда, Қабылдау комиссиясының шешімі бойынша талапкердің басқа да академиялық жетістіктері (халықаралық стандартталған тест нәтижелері, пәндік олимпиадалардағы жүлделі орындар, ғылыми-зерттеу жобалары және т.б.), сондай-ақ академиялық емес жетістіктері (спорт, әлеуметтік жұмысқа қатысу) ескерілуі мүмкін.

27. Мектептердің Қабылдау комиссиялары конкурс нәтижелері бойынша және шешімдердің негізінде Қабылдау комиссиясы бекіткен рейтингке сәйкес талапкерлерді оқуға қабылдауға ұсынады. Осы талапкерлерге, НУУАДБ түлектерінен басқа, Студенттерді оқуға қабылдау департаменті Қабылдау комиссиясының қабылдаған шешімі туралы хабарлама жібереді. Оқуға қабылдау шарттары оқуға шақыру хатында көрсетіледі.

28. Оқуға қабылдауға ұсынылған талапкерлердің саны Университеттің ішкі құжаттарында белгіленеді. Оқуға шақыру хатында көрсетілген мерзімде оқуға қабылдау шарттарын орындамау талапкерді осы Қағидаларға сәйкес конкурсқа қатысу құқығынан айырады.

29. Оқуға қабылдауға ұсынылғандардың қатарына кірмеген, бірақ бакалавриат бағдарламасына оқуға түсу талаптарына сай келетін талапкерлерден Қабылдау комиссиясы бекіткен талапкерлердің рейтингісіне сәйкес күту парағы қалыптастырылады. Оқуға қабылдауға ұсынылған тізімнен немесе оқуға қабылданған талапкерлер арасынан орындар босатылған жағдайда, Қабылдау комиссиясы күту парағындағы талапкерлерді білім беру гранттары бойынша Университеттің бакалавриат бағдарламасына рейтингке сәйкес оқуға қабылдауға ұсынуы мүмкін. Күту парағындағы талапкерлер гранттарға немесе ақылы негіздегі қосымша конкурстарға қатыса алады.

30. Қабылдау комиссиясы оқуға қабылдауға ұсынған, оқуға шақыру хатын алған талапкерлер Университеттің ішкі құжаттарында белгіленген кепілдік жарнаны алдын ала төлеп, оқуға қабылдауға келісімнің тиісті нысанын Университетке жіберу арқылы оқуға шақыру хатында көзделген мерзімде Университетте оқуға шақыруды қабылдағаны немесе одан бас тартқаны туралы ресми түрде хабарлайды. Оқуға қабылдауға келісім нысанын толтырмаған

жағдайда, немесе кепілдік жарнаны төлемеген жағдайда, талапкер оқуға қабылдана алмайды.

31. Қабылдау комиссиясының шешімі бойынша оқуға қабылдауға ұсынылған талапкерлер оқуға шақыруда көрсетілген мерзімдерде, олар жеке кабинетте жоқ жағдайда, осы Қағидалардың 3-қосымшасында көрсетілген құжаттардың сканерленген және нотариалды расталған көшірмелерін, сондай-ақ осы Қағидалардың 3-қосымшасында көрсетілген құжаттардың түпнұсқаларын Студенттерді оқуға қабылдау департаментіне ұсынады.

32. Қазақ немесе орыс тілдерінен басқа шет тілінде ұсынылатын құжаттар ағылшын тіліне аударылуы тиіс. Мұндай аударманың дұрыстығын нотариалды куәландыру керек.

33. Оқуға қабылдауға ұсынылмаған талапкерлерге қабылданған теріс шешім туралы хабарлама жіберіледі.

34. Талапкерлерді оқуға қабылдау Университет Провостының немесе оны алмастыратын тұлғаның шешімімен ресімделеді. Университеттің Студенттерді оқуға қабылдау департаменті оқуға қабылдау туралы шешімді дайындайды. Сонымен қатар, талапкер НУУАДБ-ға өтінім берген жағдайда, бакалавриат бағдарламасынан келген оқуға шақыру хатын қабылдаса, талапкер автоматты түрде НУУАДБ конкурсынан шығарылады және керісінше.

35. Талапкерлерге Университеттің білім беру гранттарын тағайындау, сондай-ақ ақылы негізде оқуға қабылдау Университеттің ішкі құжаттарында белгіленген тәртіпке сәйкес жүзеге асырылады. Талапкер бұрын бакалавриат бағдарламасында мемлекеттік грант бойынша оқыған жағдайда, Университеттің бакалавриат бағдарламасына мемлекеттік білім беру тапсырысы аясында оқуға қабылдана алмайды.

36. Талапкерлер ерекше жағдайларда IB, A-level қортынды дипломысыз және/немесе транскриптісіз және бакалавриат бағдарламасының академиялық күнтізбесіне сәйкес бірінші күзгі семестрдің соңына дейін қорытынды транскрипт пен диплом беру міндеттемесімен шартты түрде оқуға қабылдануға құқылы. Бұл шартты орындамаған студенттер оқу бағдарламасынан шығарылады.

## **6. NUET рәсімдеріне қойылатын талаптар**

37. NUET-ке қатысу үшін талапкер сауалнама нысанында NUET санатын тандап, тестті тапсыру орнын таңдауы тиіс.

38. NUET-ке қатысу үшін, NUET санатының талапкері осы Қағидалардың 1-қосымшасында көрсетілген талаптарға сай IELTS/TOEFL нәтижелерін ұсынуы тиіс. IELTS/TOEFL нәтижелері талаптарға сай келмейтін талапкерлер NUET-ке қатыса алмайды.

39. Талапкерлер Тест әкімшісі бекіткен қағидалар мен рәсімдерде көзделген тестілеуден өту талаптарын сақтауға міндетті. Тестілеуден өту талаптары Университеттің сайтында жарияланады, сондай-ақ тестілеу өткізілгенге дейін талапкерге электрондық пошта арқылы жіберіледі.

40. Тестілеудің форматына қарамастан (онлайн немесе офлайн),

талапкерлер тестке тіркелу барысында жеке басын куәландыратын құжаттарды ұсына отырып, тіркеу кезінде авторизация рәсімінен өтуге тиіс. Жоғарыда көрсетілген құжаттар болмаған жағдайда, талапкер тестілеуден өтуге жіберілмейді.

41. Тестілеуден өтудің аталған талаптарын бұзған талапкерлердің қорытындыларын Тест әкімшісі немесе Қабылдау комиссиясы жояды. Нәтижелерді жою талапкерді болашақта Университетке өтінімді қайта беру құқығынан айырады.

42. Тест әкімшісі NUET нәтижелерін әкімшілендіру мен өңдеуді жүргізеді және бағалайды.

43. NUET-тен өткеннен кейін талапкерлер тестілеу нәтижелері туралы электрондық пошта арқылы тиісті хабарлама жіберу және талапкердің жеке кабинетінде жариялау арқылы хабардар етіледі.

44. Осы Қағидалардың 1-қосымшасында көрсетілген NUET бойынша ең төменгі балл жинамаған талапкерлер конкурстан шығарылады.

## **7. НУУАДБ түлектері санатын қарау шарттары**

45. НУУАДБ түлектері өтініштерді қабылдау порталы ([www.admissions.nu.edu.kz](http://www.admissions.nu.edu.kz)) арқылы тікелей өтінім бермейді және құжаттарды Студенттерді оқуға қабылдау департаменті мен Қабылдау комиссиясының қарауына тіркемейді. НУУАДБ түлектерін қабылдау үшін аппликациялық нысан талап етілмейді. НУУАДБ түлектері бойынша барлық деректер Регистратор офисінде сақталады.

46. НУУАДБ түлектері санатының тізімін Регистратор офисі дайындайды және Мектептердің Қабылдау комиссияларына жібереді.

47. НУУАДБ түлектері Университет алдындағы дайындық бағдарламасының тыңдаушыларын Университет мектептерінің бакалавриат бағдарламаларына ауыстыру қағидаларында жазылған талаптарға сәйкес келуі тиіс.

48. НУУАДБ түлектері Университеттің бакалавриат бағдарламасының бірінші оқу жылына қаралуы тиіс.

49. Қабылдау комиссиясы Қабылдау комиссияларының мүшелері бекіткен әдістемеге сәйкес оқуға қабылдауға кейіннен ұсыным беру үшін талапкерлердің рейтингін қарайды және айқындайды.

50. Қабылдау комиссиясы осы Қағидалардың 5-тармағында көрсетілген барлық санаттармен біріктірілген рейтингті қалыптастырады және осы рейтингтерді Студенттерді оқуға қабылдау департаментіне береді.

51. НУУАДБ түлектерінің санаты бойынша Қабылдау комиссияларының шешімдері Регистратор офисіне берілуі тиіс.

52. Регистратор офисі НУУАДБ түлектері санатының талапкерлеріне Қабылдау комиссияларының шешімі туралы хабарлауы және бакалавриат бағдарламасына оқуға шақыру хаттарын жіберуі тиіс.

53. НУУАДБ түлектерін оқуға қабылдау туралы шешімді Регистратор офисі жүзеге асырады.

54. Студенттерді оқуға қабылдау департаменті НУУАДБ түлектерінің дербес деректеріне қол жеткізе алмайтынын ескере отырып, осы студенттер бойынша статистикалық деректерді Регистратор офисі дайындайды.

## **8. Қорытынды ереже**

55. Осы Қағидаларда регламенттелмеген мәселелерді Қабылдау комиссиясы Студенттерді оқуға қабылдау департаментімен бірге дербес шешеді.

---

«Назарбаев Университеті» дербес  
білім беру ұйымының  
бакалавриат бағдарламасына  
оқуға қабылдау қағидаларына  
1-қосымша

**Назарбаев Университетінің Мектептеріне бакалавриат  
бағдарламасына оқуға түсу конкурсына қатысуға қойылатын ең төменгі  
қабылдау талаптары**

**1. SAT/ACT талапкерлеріне арналған ең төменгі қабылдау талаптары**

<b>Мектептер</b>	<b>SAT Reasoning Test және ACT үшін ең төменгі қабылдау талаптары</b>	<b>IELTS немесе TOEFL үшін ең төменгі қабылдау талаптары</b>
Жаратылыста ну, әлеуметтік және гуманитарлық ғылымдар мектебі	SAT Reasoning Test – 1240-тан кем емес. немесе	IELTS – жалпы балл 6.5-тен кем емес (әрбір секция бойынша балл 6.0-ден кем емес)
Инженерия және цифрлық ғылымдар мектебі	ACT – жалпы балл кем дегенде 27.	немесе TOEFL iBT - 79 (оқу (reading) – 13-тен кем емес, тыңдау (listening) – 12-ден кем емес, сөйлеу (speaking) – 18-ден кем емес, жазу (writing) – 21-ден кем емес)
Тау-кен ісі және Жер туралы ғылымдар мектебі		немесе TOEFL PDT* - 574
Медицина мектебі		

**2. A-level/INIS Grade 12 Certificate иегер түлектері үшін балл бойынша ең төменгі қабылдау талаптары**

<b>Мектептер</b>	<b>NIS Grade 12 Certificate балдары бойынша ең төменгі қабылдау талаптары</b>	<b>IELTS және TOEFL үшін ең төменгі қабылдау талаптары</b>
Жаратылыстану, әлеуметтік және гуманитарлық ғылымдар мектебі	Кез келген пән бойынша ABB-дан кем емес	IELTS – жалпы балл 6.5-тен кем емес (әрбір секция бойынша балл 6.0-ден кем емес)
Инженерия және цифрлық ғылымдар мектебі		немесе TOEFL iBT - 79 (оқу (reading) – 13-тен кем емес, тыңдау (listening) – 12-ден кем емес, сөйлеу (speaking) – 18-ден кем емес, жазу (writing) – 21-ден кем емес)
Тау-кен ісі және Жер туралы ғылымдар мектебі		немесе TOEFL PDT* - 574
Медицина мектебі		

### 3. IB Diploma Programme түлектері және оқушылары үшін балл бойынша ең төменгі қабылдау талаптары

Мектептер	IB DP үшін балдар бойынша ең төменгі қабылдау талаптары	IELTS және TOEFL үшін ең төменгі қабылдау талаптары
Жаратылыстану, әлеуметтік және гуманитарлық ғылымдар мектебі	Кем дегенде 30 жалпы балл және ілгері деңгейдегі 3 пән бойынша 4, 4, 5	IELTS – жалпы балл 6.5-тен кем емес (әрбір секция бойынша балл 6.0-ден кем емес) немесе TOEFL iBT - 79 (оқу (reading) – 13-тен кем емес, тыңдау (listening) – 12-ден кем емес, сөйлеу (speaking) – 18-ден кем емес, жазу (writing) – 21-ден кем емес) немесе TOEFL PDT* - 574
Инженерия және цифрлық ғылымдар мектебі		
Тау-кен ісі және Жер туралы ғылымдар мектебі		
Медицина мектебі		

### 4. Ауысатын студенттер үшін ең төменгі қабылдау талаптары

Мектептер	SAT Reasoning Test және ACT үшін ең төменгі қабылдау талаптары	IELT немесе TOEFL үшін ең төменгі қабылдау талаптары	GPA бойынша қабылдау талабы
Жаратылыстану, әлеуметтік және гуманитарлық ғылымдар мектебі	SAT Reasoning Test – 1240-тан кем емес.  немесе  ACT – жалпы балл кем дегенде 27.	IELTS – жалпы балл 6.5-тен кем емес (әрбір секция бойынша балл 6.0-ден кем емес) немесе TOEFL iBT - 79 (оқу (reading) – 13-тен кем емес, тыңдау (listening) – 12-ден кем емес, сөйлеу (speaking) – 18-ден кем емес, жазу (writing) – 21-ден кем емес) немесе TOEFL PDT* - 574	GPA 4.00- ден 3.0
Инженерия және цифрлық ғылымдар мектебі			
Тау-кен ісі және Жер туралы ғылымдар мектебі			
Медицина мектебі			

### 5. Халықаралық және республикалық олимпиадалардың жеңімпаздары болып табылатын талапкерлер үшін барлық Мектептер бойынша ең төменгі қабылдау талаптары\*\*

Олимпиаданың түрі	Медаль	IELTS немесе TOEFL үшін ең төменгі қабылдау талаптары

Республикалық	Ағымдағы академиялық жыл бойынша алтын немесе күміс медальдары (I, II орындар)	Талап етіледі, ең төменгі өту балы белгіленбейді
Халықаралық	Соңғы 3 жыл бойынша алтын, күміс немесе қола медальдары (I, II, III орындар)	

**6. Барлық Мектептер бойынша NUET санаты бойынша ең төменгі қабылдау талаптары**

NUET	Жалпы ең төменгі талаптар	Әр бөлім бойынша ең төменгі талаптар	IELTS немесе TOEFL үшін ең төменгі қабылдау талаптары
Математика	130	60	IELTS – жалпы балл 6.5-тен кем емес (әрбір секция бойынша балл 6.0-ден кем емес) немесе TOEFL iBT - 79 (оқу (reading) – 13-тен кем емес, тыңдау (listening) – 12-ден кем емес, сөйлеу (speaking) – 18-ден кем емес, жазу (writing) – 21-ден кем емес)
Сыни тұрғыдан ойлау және мәселелерді шешу дағдылары		60	

*Ескертпе: \* TOEFL PDT ресми IELTS және TOEFL iBT жүргізілмейтін елдерден келген шетелдік талапкерлерден ғана қабылданады*

*\*\* Халықаралық және республикалық олимпиадалардың жеңімпаздары санатының талапкерлері олимпиаданың екі түрі бойынша құжат тапсыра алады.*

«Назарбаев Университеті» дербес  
білім беру ұйымының  
бакалавриат бағдарламасына  
оқуға қабылдау қағидаларына  
2-қосымша

### **Халықаралық пәндік олимпиадалардың тізбесі**

1. Математикадан халықаралық олимпиада (IMO)
2. Физикадан халықаралық олимпиада (IPhO)
3. Химиядан халықаралық олимпиада (IChO)
4. Биологиядан халықаралық олимпиада (IBO)
5. Информатикадан халықаралық олимпиада (IOI)
6. Мамандандырылған мектептердің оқушыларына арналған математика, физика және информатика пәндері бойынша халықаралық Жәутіков олимпиадасы
7. Оқушылардың химиядан халықаралық Менделеев олимпиадасы

### **Қазақстан Республикасының республикалық пәндік олимпиадаларының тізбесі**

1. Математикадан республикалық олимпиада
2. Физикадан республикалық олимпиада
3. Химиядан республикалық олимпиада
4. Биологиядан республикалық олимпиада
5. Информатикадан республикалық олимпиада



## **Конкурсқа қатысуға онлайн өтінім беру кезеңінде талапкерлерге арналған құжаттар тізімі**

1. Сауалнама нысаны.
2. Паспорттың немесе жеке куәліктің, немесе 16 жасқа толмаған талапкерлердің тууы туралы куәлігінің сканерленген көшірмесі.
3. Жалпы орта білім туралы немесе колледждің мемлекеттік үлгідегі құжаттың қосымшасы бар нотариалды расталған сканерленген көшірмесі немесе оның халықаралық баламасы, A-level немесе UK Foundation Programme сертификаты (құжаттарды тапсыру сәтінде болған жағдайда) немесе Жеке кабинеттегі үлгіге сәйкес оқу орнынан анықтама (өтініш беру сәтінде бітіруші сыныптың/курстың оқушылары болып табылатын талапкерлер үшін ғана).
4. NIS Grade 12 Certificate-ның нотариалды расталған сканерленген көшірмесі немесе оның болжамды нәтижесі мектеп растаған бағалармен қағаз нұсқасында, құжатты уақтылы ұсыну міндеттемесімен (тек NIS Grade 12 Certificate иегер түлектері үшін).
5. Қосымшасы бар IB Diploma Programme нотариалды расталған сканерленген көшірмесі немесе оның болжамды нәтижесі мектеп растаған бағалармен қағаз нұсқасында, құжатты уақтылы ұсыну міндеттемесімен (тек IB Diploma Programme түлектері үшін).
6. Ағылшын тіліндегі уәждеме хаттың сканерленген көшірмесі.
7. Қолданыстағы ACT сертификатының немесе тест әкімшісінің жүйесінен жүктелген SAT Reasoning Test балдарының тексерілген нәтижелері. ACT және SAT сертификаттарының қолданылу мерзімі құжаттарды тапсыру сәтінде 3 жылдан аспауы тиіс. Егер талапкер бірнеше қолданыстағы SAT Reasoning Test нәтижелерін ұсынса, Superscoring қолданылады.
8. Тест әкімшісінің жүйесінде расталған қолданыстағы IELTS немесе TOEFL сертификаты (конкурсқа қатысуға онлайн өтінім берген сәтте 2 жылдан артық емес) немесе қолданыстағы TOEFL PDT сканерленген көшірмесінің нәтижесі.
9. Халықаралық және/немесе республикалық олимпиадалар дипломының/сертификатының электрондық сканерленген көшірмесі (осы Қағидаларға 2-қосымшада көрсетілген олимпиадалардың жеңімпаздары үшін).
10. Түпнұсқа тілінде және ағылшын тілінде оқытатын университеттен алынған транскрипттің сканерленген көшірмесі немесе оқу орны растаған бағалары бар оның болжамды нәтижесі (тек ауысатын студенттер ғана ұсынады).



11. Оқытылған курстардың (пәндердің) екі тілдегі сипаттамасының сканерленген көшірмесі: түпнұсқа тілінде және ағылшын тілінде (тек ауысатын студенттер ғана ұсынады).

12. Ағылшын тіліндегі екі ұсыным хат (тек ауысатын студенттер ғана ұсынады).

**Оқуға қабылдауға ұсынылған талапкерлерге арналған құжаттардың тізбесі**

1. Қосымшамен бірге жалпы орта, техникалық және кәсіби білімі туралы мемлекеттік үлгідегі құжаттың немесе оның халықаралық баламасының түпнұсқасы.

2. A-level /NIS Grade 12 Certificate-нің түпнұсқасы (тек A-level /NIS Grade 12 Certificate иегер түлектері үшін).

3. IB Diploma Programme-нің түпнұсқасы (тек IB Diploma Programme түлектері үшін).